

东坡全集

第十二册

東坡集卷之三十八

內制勅書

眉山蘇軾東坡氏著

賜南平王李乾德歷日勅書

元祐元年十月八日

勅乾德眷彼海隅被予聲教宜有王正之賜以為農事之祥勤卹

遠民以開嗣歲

賜新除依前交趾郡王李乾德加恩制告勅書

元祐元年十月十五日

勅乾德朕躬執珪幣大饗帝親盼布湛恩徧暨諸夏卿世綏侯服

欽順朝廷宜錫徽章以昭異數

賜外任臣寮歷日詔勅書

元祐元年十月二十八日

勅韓絳朕申命日官逆推嗣歲眷予共理頒此成書勉劭農功毋
違時令

賜侍衛親軍馬軍都虞侯劉昌祚進奉賀明堂禮畢馬勅書

元祐元年十

一月二十日

勅劉昌祚大事告成多方同慶汝以分符之重特修效馬之儀載
念勤誠不忘嘉歎

賜外任臣寮進奉興龍節馬詔勅書

元祐二年四
月十三日

勅韓縝誕彌之慶遠邇攸同眷惟外服之良來效右牽之禮言念
誠恪不忘歎嘉

賜溪洞蠻人彭允宗等進奉端午布勅書元祐二年五月十日

勅彭允宗等汝族居裔壤心慕華風來修任士之儀遠效充庭之實載惟懃悃良用歎嘉

賜權陝府西路轉運判官孫路銀絹獎諭勅書元祐二年六月二十八日

為築蘭州西荆堡成下同

勅孫路宣力計臺悉心邊政相視衿要繕完保鄣訖用有成不愆于素使虜無可乘之便民有足恃之安乃眷忠勤不忘嘉歎

賜知蘭州王文郁銀絹獎諭勅書元祐二年六月二十八日

勅王文郁汝以禦侮之才當專城之寄百堵皆作三月而成非威

服民夷身先士卒則安能以一時之役成無窮之利達于朕聽良
用歎嘉。

賜新除依前靜海軍節度使進封南平王李乾德制誥勅書

元祐二年

七月八日

勅朕子養兆姓囊括四荒譬之於天豈吝膏澤卿守藩滋久事上
益虔高爵隆名極其榮顯庶緣大寵以服民心其思盡忠以稱恩

禮

賜外任臣寮進奉坤成節銀勅書

元祐二年七月二十八日

勅劉昌祚汝承流外服雅意本朝爰因載誕之辰遠致同寅之禮

眷惟忠盡良極歎嘉

賜西南羅藩進奉敕書

元祐二年九月三日

勅汝世爲要服時欵塞垣志慕華風來修職貢載惟忠恪良用歎

咨

賜諸路知州職司等并總管鈐轄至使臣初冬衣襖勅書

勅馮潔已王事靡盬日月其除屬霜露之戒寒待衣裘而卒歲宜

加寵錫以示眷懷

賜諸路蕃官并溪洞蠻人初冬衣襖勅書

勅賸職在捍邊志常向內屬此嚴凝之候宜均輕煖之恩服我

寵頒益思忠報

賜諸路屯駐駐泊就糧本城諸真寮等初冬衣襖都勅

勅汝等久勤外服屬戒祈寒爰念捍城之勞普均挾纊之惠

賜外任臣寮等進奉坤成節功德疏詔勅書

元祐二年九月二十四日

勅馮京職雖在外忠不忘君集勝妙之良因致壽康之善禱眷言誠盡良極歎嘉

賜朝奉郎通判梓州趙君奭進奉坤成節無量壽佛勅書

元祐

二年九月二十四日

勅趙君奭相好妙嚴衷誠傾盡汝期乃后享無量之年吾欲斯民

同極樂之世永言忠愛良用歎咨

泐路賜奉安神宗御容押班馮宗道并內臣等鈔合茶藥勅

書元祐二年十月七日

勅馮宗道逮事有年追遠不懈屬祠官之告具驂日馭以過征往復之間忠勞亦至特加存問尚體至懷

賜五臺山十寺僧正省竒等進奉興龍節功德疏等獎諭勅

書元祐二年十一月一日

勅省竒等清涼之域仙聖所游爰因彌月之辰來獻後天之祝永言懃至良極歎咨

賜外任臣寮歷日勅書

元祐二年十月四日

勅韓縝朕肇修人紀祗畏天明欽若舊章式頒新曆凡我承流之寄共成平秩之功

賜于闐國黑汗王進奉登位敕書

元祐二年十月十一日

勅卿守藩西極慕義中華遠聞踐阼之新來致榆山之貢眷言忠恪良用歎咨

賜于闐國黑汗王進奉示諭敕書

元祐二年十月十一日

勅卿遠馳信使來效貢琛載詳重譯之言深亮勤王之意益隆褒賜以荅忠誠

賜外任臣寮進奉興龍節馬敕書

元祐二年十二月二十四日

勅劉永年汝職在蕃宣義均休戚旅庭稱慶因物見誠乃眷忠勤

不忘嘉歎

賜溪洞彭儒武等進奉興龍節溪布敕書

元祐二年十二月二十八日

敕彭儒武汝世能保境志在觀光遠修任土之宜來備充庭之寶

載惟忠恪良極歎嘉

賜保州團練使潞州總管王寶進奉戀闕并到任馬敕書

元祐

三年正月七日

敕王寶汝以選掄出分憂寄來效充庭之駿以將衛上之誠再省

忠勤良深嘉歎

賜知乾寧軍內殿承制張赴獎諭敕書

元祐三年四月十八日

敕張赴橫流之災所在蒙害惟吏得其人則公私賴之使者列上
有司不以時聞歲月既遠予猶汝嘉故茲獎諭想宜知悉

賜于闐國黑汗王進奉示諭敕書二首

元祐三年五月一日

敕卿恪居蕃守申遣使車來欵塞垣恭修壤貢忠誠遠褒歎良深

二

敕卿守土西極馳誠中華璧馬充庭尚識漢儀之舊織皮在筐聊
觀禹貢之餘載省忠勤不忘嘉歎

至仁賜于闐國黑汗王男被令帝英進奉敕書

敕汝世敦忠厚志慕聲明遠附奏函亦馳貢篚載惟恭順良極歎

咨

賜五臺山十寺僧正省奇已下獎諭敕書

元祐三年六月十八日

敕清涼之峯仙聖所宅爰修淨供以慶誕辰再省恭勤不忘嘉歎

示諭武泰軍官吏軍人僧道百姓等敕書

元祐三年八月十八日

敕朕以苗授賦材勇嚴馭眾整暇擢為宿衛之長寵以節旄之榮

惟爾邦人當諭朕意

賜殿前都虞侯寧州團練使知熙州劉舜卿進奉賀冬馬敕

書元祐三年閏十月十八日

敕劉舜卿職在分憂忠存衛上屬此秦正之日遠輸冀產之良再省忠勤不忘嘉歎

賜外任臣寮進奉興龍節馬詔敕書元祐三年閏十月十八日

敕劉舜卿汝忠於衛上遠不忘君爰因彌月之晨來效充庭之寶眷言勤篤良極歎嘉

賜西南蕃莫世忍等進奉敕書元祐四年正月二十一日

敕莫世忍汝守土遐陬歸誠北闕梯山修貢欵塞觀光言念忠勤至於嘉歎

賜五臺山十寺僧正省奇等獎諭敕書
十月二十日下院

敕異景靈光久聞示化寶祠淨供爰慶誕彌念此恭勤至於嘉歎

內制口宣

雄州撫問大遼國賀興龍節使副口宣
元祐元年十月六日

有勅卿等遠犯風埃久勤輶傳入疆茲始授館少安申命撫存式

昭眷獎

趙州賜大遼賀興龍節人使茶藥口宣
元祐元年十月六日

有勅卿等遠飭使輶來陳慶幣川塗甚阻風霧可虞特示至恩往

頒名劑

賜正議大夫同知樞密院事安燾乞退不允批荅口宣

元祐二年

十月十日

有敕卿被遇先帝勤勞有年逮予眇躬倚注彌重宜安厥位毋重

力辭

賜宰臣呂公著生日禮物口宣

元祐元年十月十六日

有敕朕之元老生以茲辰實為邦國之華豈獨閨門之慶故命爾
息往宣余懷仍分廡庫之良以助子孫之壽

相州賜大遼國賀興龍節使副御筵口宣

元祐元年十月十八日

有敕卿等遠馳信幣來慶誕辰眷言四牡之勞宜享加籩之禮式

頒寵數以示至恩

趙州賜大遼國賀太皇太后正旦使副茶藥口宣

元祐元年十月二十一日

八日

有敕卿等奉將邦幣馳會歲元眷言夙駕之勤方次中塗之館宜

頒靈劑以喻至懷

趙州賜大遼國賀皇帝正旦使副茶藥口宣

元祐元年十月二十八日

有敕卿等逖修隣好方次州封言念沍寒想勤跋履特頒名劑以

示眷懷

雄州白溝驛賜大遼賀正旦人使御筵口宣

元祐元年十一月二日

有敕卿等遠馳使節來慶春朝屬歲律之凝嚴涉道塗之修阻宜
頒宴衍以勞勤劬

賜鎮江軍節度使大名府韓絳詔書湯藥口宣二首

元祐元年十一月十一日

月九日

有敕卿德望之隆中外所屬誠請雖極輿論未安母復懷歸以勤
北顧特頒良劑以輔至和

元祐元年十一月十日

有敕方面重寄無逾老成邱園歸休難遂雅意特頒珍劑以示至
懷方此沍寒益加調養